



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ex Illvstrissimo Cardinali Bellarmino Epitome
Controuersiarum Omnium huius Aeui
Lvthero-Calvinisticarvm Sub diuersis Titulis bis
Quadripertitis digestarum**

Coppenstein, Johann Andreas

Mogvntiae, 1624

LVI. Num in quem Patrum Limbum descenderit Christus?

urn:nbn:de:hbz:466:1-11726

fide & charitate, & nobiscum in iisdem conjunctionas: *Inst. lib. 4. c. 20. & v. 26. §. 6.* prolixè dissertit CALVINVS. ET LVTHERVVS *prælecl. in Genes. teste Staphilo.*

AUTOR. I. AT primus idem inuenit & docuit Tertullianus *lib. 4. in Marcionem.* Post hunc Vigilantius, teste Hieronymo *in lib. contra Vigil.* apud Billarm. *tom. 2. l. 1. de Beatit. cor.* Idem tamen illud, Ante Christum Sanctos in cœlum receptos fuisse, est, inquit, *sententia prorsus inaudita in Ecclesia.* Id quod sane deberet sufficere ad refutationem. Porro Vide in meo *Antichristo par. 2. quæst. 24.* Et in *Genealog. par. 1. quæst. 27.* Et *infra quæst. 67. & 73.* Nunc duo me vocant, Limbus & Infernus, An sint?

QVÆSTIO LVI.

Num in quem Patrum Limbum descendit Christus?

CALVINVS *Inst. l. 2. c. 16. §. 9.* ait. *Ille de Limbo fabula, tamen magnos habens autores; nihil est tamen nisi fabula:* Addunt PVKITANI in Anglia & Scotia: *Et communis Patrum error est.*

2. CALVINVS in Ioan. c. 14. v. 3. *Fa-* *ctetur, Ille vnus hares cœli possessionem nostro nomine adiut. ut per ipsum accessus nobis pateat.*

2. Exoritur tamen quæstio. Qualis fuerit Patrum Veteris Testamenti conditio post mortem, antequam Christus in cœlum ascenderit? Vulgò enim colligunt, fideles animas in Limbo fuisse inclusas: quia dicat Christus suo in cœlum ascensu paratum iri locum.

3. Respondet. *Ante reconciliationem peractam fideles animæ, velut in Specula, erant intentæ ad redemptionem promissam: Et nunc beata quiete fruuntur, usque dum compleatur redemptio.*

AUTOR. Dicit: non docet hic, nec alibi vquam; nisi quod nostra quædam

testimonia eleuet.

I. LVTHERVVS exclamat ei Com. ment. in Psal. 16. *Sancti in sepulcro & inferno fuerunt sine dolore.* ANGLI (Hugnotici) reclamant: qui in suis ecclesiis cantillando Limbum identidem profitentur. Vide Duræum *ad Rationem 2. Campiani.*

II. LOCVS Inferni Quadruplex est, ait S. Thom. 3. dist. 22. q. 2. a. 1. q. 2. c. *Primus* Damnatorum. In quo sunt tenebræ, cum defectu diuinæ Visionis & Gratia, ac Poena sensibili. *Alter* supra hunc; In quo sunt prædicta; sed sine Poena sensibili; estque Limbus puerorū. *Tertius*, Purgatorium: supra eum, In quo sunt tenebræ, defectu diuinæ Visionis; sed non Gratia, & multa poena sensus. *Quartus*, Limbus Patrum, supra hunc: In quo sunt tenebræ, cum defectu diuinæ Visionis; estque Gratia sine poena sensibili.

Et in hunc solum totus essentialiter Christus descendit: in alios virtualiter. Ibi, ait August. *serm. 137. Portam inferni, & vinctes confregit. & omnes iustos, qui originali peccato tenebantur, absoluit.* D. Th. 3. q. 52. a. 5. 6. Ideò Eccl. 24. *Penetrabo omnes inferiores partes terræ, cum distinctione dicta; & illuminabo omnes sperantes in Domino, Patres in Limbo.* Qui dictus est *Sinus Abrahe*, ratione Quietis; at *Limbus*, ratione inferni, & ob defectū gloriæ.

Quies autem ea erat ratione immunitatis à poena; sed non à Desiderio: Beati, ab utroque sunt immunes. De gloria tamen sperata mirè gaudebant; de dilatatione: Christus soluit vtrumque; per Visionem diuinæ Essentiæ euacuans.

M do

do eis Fidem ac Spem; quibus eo usque sustentabantur, uti Viatores verè sancti: solum enim Limbus Sanctorum erat, iste scilicet locorum inferni quartus: Quem, eductis S. Patribus, clausit IESVS, ut nulli sit vsui. Ista ex D. Thoma.

II I. LYMBVS Quia Caluino est *Fabula*; Puritanis, *Error Communis Patrum*: *critne* & S. Scriptura fabulosa vel erronea? Nam & ipsa loquitur infernum, cum de Sanctorum receptaculo defunctorum meminit. Vt Gen. 17. Pius Iacob ait: *Descendam ad filium meum ad infernum*. Idem Gen. 42. 44. *Deducetis canos meos. &c. ad inferos*. Et hic loquendi vsus in Scriptura multus est de Sanctis pluribus: & *Inferi*, *Infernus*. &c. non celos superiorum significant.

2. Similiter & iste loquendi modus frequens est: *Mortuus est Abraham*, Genes. 25. *congregatusque est ad populum suum*. Ibidem. *Israhel mortuus est, & appositus est ad populum suum*. Num. 10. *Pergat Aaron ad populum suum*. Numer. 27. *Ibis, Moyses, ad populum tuum. &c.*

IV. Samuel, Eccl. 46. laudatur, quod mortuus prophetarum: cum nimirum, 1. Reg. 28. apparens anima Sauli de terra ascendere visa est: *Non*, quod incantationi Pythonissæ obnoxia pareret: quippe eam antequam videret, unde & Pythonissa turbabatur: *Nec*, quod phantasma esset dæmoniacum: ut quibusdam placet: Sed vera erat, ipsaque Samuelis anima; uti consentiunt quæ plures quæ saniores: Et textus indicat; *Intellexit ergo Saul quod esset Samuel*; non putauit: *Dixit Samuel ad Saul. &c.* certus.

V. Lazarus, Luc. 16. erat in Sinu Abrahamæ; Epulo in inferno, scilicet damnato-

rum: Eadem erant in voragine; licet magno intercedente *χρῆματι*, id est, inani. Et sic de compluribus sanctis, qui non in coelo, sed in inferno fuisse memorantur.

Itaque Psal. 118. *Narrauerunt mihi inter qui Calvinistæ fabulationes; sed non vs lex tua*. Vide Bellarmin. l. 4. de Christo c. 11.

QVÆSTIO LVII.

*Num quis sit infernus damnatorum
Luthero-Calvinistis?*

LUTHERVS in cap. 1. Iouæ tomo 3. Ienensi. *Quid infernus sit*, ante diem extremum, nondum certus sum. Nam esse peculiarem locum aliquem, ubi nunc sint anima damnatorum, quemadmodum pingunt pictores, & ventris Mancipia docent; ID NIHIL EST, meâ sententiâ.

2. Christophorus Irenæus, in Speculo inferni, cap. 9. distinct. 1. est quadruplicem architectatus infernum. Infernus esse quadruplex potest. 1. Mala, & peccatis onusta conscientia. 2. Imminentis mortis dolores & agonæ ultimus. 3. Angustia, timor & horror, quem anima damnatorum à corporibus seipsum sentiunt. 4. Localis Abyssus, quam ventris mancipia passim docent. Hic infernus, nostro iudicio, Nihil est: & in fine mundi demum preparabitur.

3. BRENTIVS in Recognitione pag. 15. Interea damnati in infernum nec ascendunt, nec descendunt; sed sibi hæc Angelus suus, & impiis omnibus, ac Infernus ipse, sunt in Regno celesti. Vide Sturmium in Antipapa po. 4. parte 2.

CALVINISTÆ in Catechismo Heidelbergensi anni 1563. & 1569. Et Bucerus apud Schlüsselburgium lib. 1. art. 27. *Infernus, id est, locus improbis cruciandis destinatus, sitne aliquis, nondum adhuc constat*. CALVIN. Instit. lib. 3. c. 25. §. 12. *Nihil esse videtur infernus aliud, nisi horror quidam conscientia*. Idem sensibile quondam Originem liquet in Genealog. par. 1. quæst. 16. & hic superius quæst. 52.

AUTOR. Tamen si locis iam citatis nimio plus in eam quæstionem contuli; ut in re nemini ignorata, vel dubitata;